

Arrosàriu sardu cantau

(prima parte in latino)

Deus, in adiutòrium meum intende.
Domine, ad adiuvandum me festina.

Gloria Patri, et filio et Spiritui Sancto

Sicut erat in principio, et nunc, et semper: et in sæcula sæculorum. Amen.

(seconda parte in sardo)

Allabau sèmpiri siat

su nòmini de Gesús e de Maria, su nòmini de Gesús e de Maria.

Allabeus a prus, a prus,

su coru de Maria e de Gesús, su coru de Maria e de Gesús

O Gesús, de amori acéndiu,

dèu non t'essi mai oféndiu

Amantíssimu Gesús,

non Si bollu ofèndiri prus, non Si bollu ofèndiri prus

Babbu nostu

Babbu nostu chi ses in is celus,
siat santificau su nòmini tuu,
bengat a nosu su Regnu tuu,
siat fata sa voluntadi tua
cumentu in su celu, aici in sa terra.
Su pani nostu de dogna dí
donanosidhu oi e perdonanosí
is pecaus nostus,
cumentu nosàterus perdonaus
is depidoris nostus.
Non si lessas arrui in sa tentatzioni,
libberanosí de mali. Amen, Gesús.

Deus ti salvit, Maria

Deus ti salvit, Maria, prena de gràtzia,
su Signori est cun tegus.
Benedita ses Tui intre totu is féminas
e beneditu est su frutu de is intràncias tuas, Gesús.
Santa Maria, mamma de Deus,
prega po nosàterus peccadoris
immoi e in s'ora de sa morti nosta.
Amen, Gesús.

Gòccius de Sant'Antoni de Pàdua

Portentu de su Signori,
de sa crésia glória e vantu,
Antoni de Pàdua santu,
siais nostru protetori.

Bella planta frutuosa
de sa manu onnipotenti,
alta, seràfica menti
de dotrina prodigiosa,
viva istella luminosa
de celesti risplendori.
Antoni de Pàdua santu...

Birdi cipressu divinu
in Lusitània piantau,
depustis chi as abbratzau
is precetus de Agostinu,
de Franciscu Serafinu
ti ses fatu imitadori.
Antoni de Pàdua santu...

Postu in sa Religioni
de su santu Patriarca,
in cussa mística barca
cun ferventi divotzioni,
su portu de salvatzioni
as otentu cun onori.
Antoni de Pàdua santu...

De vivu amori infiammau
in cussu santu giardinu,
de Gesús, Verbu divinu,
ses istétiu visitau;
in bratzus tuus, fortunau,
carignas su Redentori.
Antoni de Pàdua santu...

Portentosu ti proclamat
sa terra, su firmamentu.
Arca de su Testamentu
su Pontífici ti aclamat,
A tui su mundu clamat,
e ses prontu a su clamori.
Antoni de Pàdua santu...

Tzurpus, tzopus, istrupiaus
de malis e contagionis
sunti cun s'oratzioni
in d-un'istanti sanaus,
is mortus risuscitaus,
convértiu su peccadori.
Antoni de Pàdua santu...

Iscurtant in sa marina
is piscis de s'altu mari,
po portentu singolari
sa católica dotrina;
bincis cun fortza divina
s'eréticu e s'impostori.
Antoni de Pàdua santu...

Si bis su peregrinanti
in dúbbiu o in aversidadi,
S'in mesu a sa tempestadi
t'invocat su naviganti,
ti dhis mostras in s'istanti
amigu consoladori.
Antoni de Pàdua santu...

Ses sollievu a sa sufrenti
de partu is duras penas;
su presoneri in cadenas
isciollis cun bratzu potenti;
si acusant un'innocenti
ti oferis po difensori.
Antoni de Pàdua santu...

Bolis biri unu portentu?
Recurri sentza dudai
chi de certu as a incontrai,
prontamenti e sentza istentu
calisiollat perdimentu
de pagu o meda valori.
Antoni de Pàdua santu...

Àcua, terra, fogu e bentu
sunt a Antoni riverentis;
dh'ascurtant ubbidientis
is astrus, su firmamentu;
mula sentza intendimentu
adorat su Creadori.
Antoni de Pàdua santu...

Cun sa morti no est cessau
su poderi sorprendenti
ti proclamat dogna genti
taumaturgu singolau.
Curri a Pàdua, isconsolau,
chi certu otenis favori.
Antoni de Pàdua santu...

Giai chi immoi ses collocau
in tant'altura de glória,
teni sèmpiri memória
de chini ti at invocau.
De cussu sógliu dorau
miranosí cun amori.
Antoni de Pàdua santu...

Dotau de su Segnori
de poderi soberanu,
taumaturgu paduanu,
siais nostru intercessori.
Antoni de Pàdua santu...

V) *Ora pro nobis Beate Antoni*
R) *Ut digni efficiamur promissionibus Christi*

OREMUS

Ecclesiam tuam, Deus, Beati Antonii Confessoris tui solemnitas votiva laetificet; ut spiritualibus semper muniatur auxiliis et gaudiis perfrui mereatur aeternis

V) *Per Christum Dominum nostrum*

R) *Amen*